

Z LUCIJU do samostatnosće

Čłonojo su wuwicu medijo-pedagogiskeho projekta SŠT přihłosowali

Smjerdžaca (SN/MiR). Medijo-pedagogiski projekt Serbskeho šulskeho towarstwa (SŠT) LUCIJA ma swojsku towaršnostnu formu dóstać. Wuměnjenja za to su čłonojo na lětušej hłownej zhromadźiznje SŠT minjeny pjatk w Smjerdžacej tworili. Na zeńdženje běše 20 hłosakmanych do tamnišeho serbskeho kubłanskeho srjedžišća LIPA přichwatało, kotrehož nošer je tohorunja šulske towarstwo.

Projektowy koordinator a medijowy pedagoga Michał Cyž je přitomnym aktualny staw LUCIJE předstajil. W přemirjedže je wón šěroki wobjim poslužbow rozložował, kotrež sobudželačerjo projekta tuchwilu přewjeduju a kotrež su na internetnej stronje www.lucija.de přistupne a knihujomne. Perspektiwisce chcedža je dale wutwarić.

95 procentow wšitkich trěbnych pjenjow za projekt pochadža ze srědkow strukturneje změny. Při wšěm dyrbi LUCIJA kóždy lěto dosć woprijacy swojski podźěl financow nadželać. Za SŠT, kotrež

je nošer LUCIJE, je to nowa forma džela-wosće. Z tym, zo wot spočatka skutkowanja projekta loni w oktobrje zajimcy rečne, digitalne kaž tež dalše medialne poskitki knihuju, je Michał Cyž přitomnym strach brał, zo móhła LUCIJA jako powšitkownje wužitna tswr zwrěšćić. Na tajku wotpohladuju ju wutworić.

Andreas Ošika, jednaćel SŠT a zdobom tež LUCIJE, rozložowaše, zo tuchwilu pruwuju, na kotre wašnje a zwotkel trěbny kapital we wysokosći 25 000 eurow zjewdu. Wotpohlad, kotremuž čłonojo přihłosowachu je, zo budže SŠT jenički towaršnik. Kaž wustawki towarstwa wujasnjuja, njewobsteji za čestnohamtskich čłonow předsydstwa strach, zo maja při wutworjenju LUCIJE tswr ze swojskim wobsydstwom rukować. Tuž je wjetšina přitomnych dodawkam k wustawkam SŠT přihłosowala, zo wěnuje so wono nimo spěchowanja ludoweho kubłanja a kultury runje tak pěstowanju domizny kaž tež młodžinskej pomocy. Zdobom to-

warstwo swoje skutkowanje na socialne kubłanske dželo rozšěrja. Wothłosowanje běše trěbne hladajo na rozsud, hač wostanje LUCIJA po jednacelskim porjedže wobstatk SŠT abo hač so z njeje powšitkownje wužitna tswr wutwori.

Po tym, zo běchu čłonojo předsydstwa SŠT na prašenja wotmołwili, přihłosowachu přitomni čłonojo towarstwa předležacemu načiskej towaršnostneho zřčenja k wutworjenju projektoweje towaršnosće LUCIJA powšitkownje wužitna tswr. Nětko chce předsydstwo SŠT nadželać zřčenje financnemu zarjadowanju předpožić. Ručež dóstanu wot tam pozitiwnu wotmołwu, chcedža podložki notarej přepodać a tam podpisać. Z tym by LUCIJA jako tswr prawnišce samostatnje dželać a w swojim dotalnym džele dale skutkować móhła. Postupowanje služi w cyłku přihotam na wutworjenje LUCIJA tswr. Prjedy pak hač doskónčnje rozsudža, budže dalša hłowna zhromadźizna trěbna.